

novine Kantona Sarajevo", broj 39/07), ministar stambene politike Kantona Sarajeva donosi

PRAVILNIK

O IZMJENI PRAVILNIKA O UVJETIMA ZA OBAVLJANJE POSLOVA UPRAVITELJA

Član 1.

U Pravilniku o uvjetima za obavljanje poslova upravitelja ("Službene novine Kantona Sarajevo", broj 11/09) član 9. stav (1) i (2) (Postupak određivanja) mijenja se i glasi:

"Član 9.

(Postupak određivanja prinudnog upravitelja)

(1) Raspodjelu zgrada, koje su u trenutku donošenja ovog pravilnika bile na prinudnoj upravi, na prinudne upravitelje

Ministarstvo vrši približno srazmjerno korisnoj površini zgrada kojom upravljaju kao izabrani upravitelji od strane etažnih vlasnika.

(2) U slučaju uvođenja prinudne uprave za pojedinačne zgrade - ulaze, za koje se na bilo koji način dođe do saznanja da nema upravitelja, Ministarstvo određuje prinudnog upravitelja poštujući građevinsku cjelinu zgrade ili redoslijed izdatih certifikata za obavljanje poslova upravitelja."

Član 2.

Ovaj Pravilnik stupa na snagu danom objavljivanja u "Službenim novinama Kantona Sarajevo".

Broj 27/03-02-5420-1/09

15. decembra 2009. godine
Sarajevo

Ministar
Čedomir Lukić, s. r.

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 21. januara 2010. godine, verifikovao je i donio

ODLUKU

O KOREKCIJI IZMJENA I DOPUNA REGULACIONOG PLANA POSLOVNE ZONE "ŠIP"

Član 1.

Utvrđuje se korekcija Izmjene i dopune Regulacionog plana Poslovne zone "Šip" ("Službene novine Kantona Sarajevo", broj 2/07), u daljnjem tekstu: korekcija Plana.

Član 2.

Korekcijom Plana, utvrđuje se spratnost objekata investitora "Porović Group" d.o.o. Sarajevo, planiranih na parcelama označenim na grafičkom prilogu "Mreža građevinskih i regulacionih linija sa prijedlogom plana parcelacije" iz Izmjena i dopuna RP-a Poslovne zone "Šip", kao K-59, K-60, K-61, K-62 i K-63, na S+P+3+M, građevinska linija jedne ili više podzemnih etaža na prostoru između objekata planiranih na naprijed navedenim parcelama, kao i način priključivanja ovog planiranog "kompleksa", na planiranu naseljsku saobraćajnicu.

Član 3.

Korekcija Plana sastoji se iz tekstualnog dijela, izvoda iz Izmjena i dopuna RP-a Poslovne zone "Šip", grafički prilog

"Razmjestaj, namjena i spratnost građevina" (list br. 1 i 2) na kojim je prikazana korekcija Plana, te idejnog projekta dostavljenog od strane podnosioca zahtjeva za izradu korekcije Plana i finansijera izrade iste, firme Porović Group doo Sarajevo.

Tekstualni dio i grafički prilozi korekcije Plana, sastavni su dio Izmjena i dopuna Regulacionog plana Poslovne zone "Šip" ("Službene novine Kantona Sarajevo", broj 2/07).

Član 4.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-5904/07
20. januara 2010. godine
Sarajevo

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar 20. 1. 2010. godine

OPĆINA HADŽIĆI

Općinsko vijeće

Na osnovu člana 23. stav 6. Zakona o budžetima u Federaciji BiH ("Službene novine Federacije BiH", broj 19/06), člana 13. i 15. Zakona o principima lokalne samouprave ("Službene novine Federacije BiH", broj 49/06) i člana 24. Statuta Općine Hadžići ("Službene novine Kantona Sarajevo", broj 15/09), Općinsko vijeće Hadžići, na 13. redovnoj sjednici održanoj 31. decembra 2009. godine, donosi

ODLUKU

O IZMJENAMA I DOPUNAMA BUDŽETA OPĆINE HADŽIĆI ZA 2009. GODINU

Član 1.

Ovom Odlukom vrše se izmjene i dopune Budžeta Općine Hadžići za 2009. godinu.

U Budžetu Općine Hadžići za 2009. godinu broj 01-14.1-2582/09 od 26. 03. 2009. godine član 1. ove Odluke, mijenja se i glasi:

Budžet Općine Hadžići za 2009. godinu sastoji se od:

UKUPNIH PRIHODA I PRIMITAKA. 7.075.209,00 KM

UKUPNIH RASHODA I IZDATAKA. 7.075.209,00 KM

Od čega je raspoređeno za utvrđene
namjene 7.050.209,00 KM

Tekuću budžetsku rezervu. 25.000,00 KM

Član 2.

Prihodi i rashodi po grupama utvrđuju se u Bilansu prihoda i rashoda u iznosu od 7.075.209,00 KM, kako slijedi: